


唐詩類苑



唐詩類苑第十卷

仁和卓明卿澂父編輯

華亭張之象玄超

長洲毛文蔚豹孫同校

歲時部

九月九

張九齡九月九日登龍山一首

郡庭常窘東京野求昭曠楚客凜秋時桓公舊臺上
清明風日好歷落江山望極遠何蕭條中畱坐惆悵
東彌夏首濶西拒荆門壯夷險雖異時古今豈殊狀

先賢恥不接故老猶可訪投吊傷昔人揮斤感前匠
自爲本踈散未始志幽尚陰會非有欲往來是無妄
爲邦復尋幸去國殊遷放且泛籬下菊還令郢中唱
灌園亦何爲於陵乃逃相

李白宣城九日聞崔四侍御宇文太守遊敬

亭醉後寄崔侍御二首余時登響山不同此

賞

九日茱萸熟插髮傷早白登高望山海浦目悲古昔
遠訪投沙人因爲逃名客故交竟誰在獨有崔亭伯
重陽不相知載酒任所適手持一枝菊調笑二千石

日暮岸幘歸傳呼隘阡陌形幘雙白鹿賓從何輝赫
夫子在其間遂成雲霄隔良辰與美景兩地方虛擲
晚從南峯歸夢月下水壁却登郡樓望松色寒轉碧
咫尺不可親棄我如遺鳥

二

九卿天上落五馬道傍來列戟朱門曉褰帷碧帳開
登高望遠海召客得英才紫綬歡情洽黃花逸興催
山從圖上見溪卽鏡中迴遙羨重陽作應過戲馬臺

李白九日登山一首

淵明歸去來不與世相逐爲無杯中物遂偶本州牧

因招白衣人笑酌黃花菊我來不得意虛過重陽時
題輿何俊發遂結城南期築土按響山俯臨遠水湄
胡人叫玉笛越女彈霜絲自作英王冑斯樂不可窺
赤鯉湧琴高白龜道冰夷靈仙如彷彿真酌遙相知
古來登高人今復幾人在滄州遠宿諾明日猶可待
連山似驚波合沓出濱海揚袂揮四座酌酹安所知
齊歌送清揚起舞亂參差賓隨落葉散帽逐秋風吹
別後登此臺願言長相思

李白九日一首

今日雲景好水綠秋山明携壺酌流霞舉菊汎寒榮

地遠松石古風揚絃管清窺勝照歡顏獨笑還自傾
落帽醉山月空歌懷友生

李白九日登巴陵置酒望洞庭水軍一首

九日天氣清登高無秋雲造化闢川嶽了然楚漢分
長風鼓橫波合沓蹙龍文憶昔傳遊豫樓船壯橫汾
今茲討鯨鯢旌旆何繽紛白羽落酒樽洞庭羅三軍
黃花不撥手戰鼓遙相聞劒舞轉頽陽當時日停曛
酣歌激壯士可以摧妖氛齷齪東籬下淵明不足群

杜甫九日寄參岑一首

出門復入門兩脚但仍舊所向泥活活思君令人瘦

唐詩集卷之十一
沉吟坐秋軒飯食錯昏晝寸步曲江頭難爲一相就
吁嗟乎蒼生稼穡不可救安得誅雲師疇能補天漏
大明韶日月曠野號禽獸君子強逶迤小人困馳驟
維南有崇山恐與川浸溜是節東籬菊紛披爲誰秀
岑參多新語性亦嗜醇酎采采黃金花何由滿衣袖
獨孤及奉同徐侍郎五雲溪新亭重陽集作

一首

萬峯蒼翠色雙溪清淺流已符東山趣况值江南秋
白露天地肅黃花門館幽山公惜美景肯爲芳樽留
五馬照池塘繁絃催獻酬臨風孟嘉帽乘興李鷹舟

騁望傲千古當歌遺四愁豈令求和人獨擅山陰遊

高適九月九日酬顏少府一首

簷前白日應可惜籬下黃花爲誰有行子迎霜未授
衣主人得錢始沽酒蘇秦顛顛人多厭蔡澤栖遲世
看醜縱使登高只斷腸不如獨坐空搔首

王勃九日一首

九日重陽節開門有菊花不知來進酒若箇是陶家

許敬宗擬江令於長安歸揚州九日二首

本逐征鴻去還隨落葉來菊花應未滿請待詩人開

二

遊人倦蓬轉鄉思逐鴻來偏想臨潭菊芳莖對誰開
許敬宗九日至微山亭一首

心逐南雲逝形隨北鴈來故鄉籬下菊今日幾花開
張說九日進茱萸山詩五首

家居洛陽下舉目見嵩山刻作茱萸節情生造化間

二

黃花宜泛酒青岳好登高稽首明亭內心爲天下勞

三

菊酒携山客萸囊繫牧童路疑隨大塊心似問鴻蒙

四

九日重陽數三秋萬實成時來謁軒后罷去坐蓬嬴

五

晚節歡重九高山上五千醉中知遇聖夢裡見尋仙

岑參行軍九日思長安故園一首

強欲登高去無人送酒來遙憐故園菊應傍戰場開

李白九日龍山飲一首

九日龍山飲黃花笑逐臣醉看風落帽舞愛月留人

蕭穎士九日陪元魯山登北城七首

山縣遠古堞悠七快登望雨餘秋天高目盡無隱狀

二

綿連強川迥沓渺鴉路深彭澤興不淺臨風動歸心

三

賴茲琴堂暇傲倪傾菊酒人知歲已登從政復何有

四

遠山十里並一道御長雲青霞半落日混合疑暗曛

五

漸聞樓林羽坐歎清夜月中歡愴有違行子念明發

六

僅能泯寵辱未免傷別離江湖不可忘風雨勞相思

七

明時當盛才短伎安所試何日謝百里從君漢之滌

王勃九月九日登玄武山旅眺一首

九月九日望鄉臺他日他鄉送客杯人情已厭南中
苦鴻鴈那從北地來

盧照隣九月九日登玄武山旅眺一首

九月九日眺山川歸心歸望積風烟他鄉共酌金卮
酒萬里同悲鴻鴈天

邵大震九月九日登玄武山旅眺一首

九月九日望遙空秋水秋天生處風寒鴈一向南飛
遠遊人幾度菊花叢

唐詩卷之十
王之渙九日送別一首

蘇庭簫瑟人故稀
何處登高且送歸
今日暫同芳菊酒
明朝應作斷蓬飛

崔國輔九日一首

江邊楓落菊花黃
少長登高一望鄉
九日陶家雖載酒
三年楚客已沾裳

張諤九日宴一首

秋葉風吹黃颯颯
晴雲日照白鱗鱗
歸來得問茱萸女
今日登高醉幾人

王維九月九日憶山東兄弟一首

獨在異鄉爲異客
每逢佳節倍思親
遙知兄弟登高處
遍插茱萸少一人

王晉九日一首

莫將邊地比京都
八月嚴霜草已枯
今日登高樽酒裡
不知能有菊花無

景龍三年九月九日中宗幸臨渭亭登高一首并序

陶潛盈把旣浮九
醞之歡畢卓持螯
湏盡一生之興人
題四韻同賦五言
其最後成罰之引
滿九日正乘秋三
杯興已周泛桂迎
樽滿吹花向酒浮

長房更早熟彭澤菊初收何籍龍沙上方得恣淹留
蕭安石奉和九日幸臨渭亭登高應制得枝
字一首

重九開秋節得一動宸儀金風飄菊蕊玉露泫萸枝
睿覽八紘外天文七曜披臨深應在即居高豈忘危
蘇環奉和九日幸臨渭亭登高應制得暉字
一首

重陽早露晞睿賞瞰秋磯菊氣先薰酒萸香更襲衣
清切絲桐會縱橫文雅飛恩深荅效淺留得奉宸暉
李嶠奉和九日幸臨渭亭登高應制得歡字

一首

令節三秋晚重陽九日歡仙杯還泛菊寶饌且調蘭
御氣雲霄近乘高宇宙寬今朝萬壽列宜向曲中彈
蕭至忠奉和九日幸臨渭亭登高應制得餘
字一首

望幸三秋暮登高九日初朱旗巡漢苑翠帟俯秦墟
寵極萸囊遍恩深菊酎餘承歡何以荅萬億奉宸居
竇希玠奉和九日幸臨渭亭登高應制得央
字一首

鸞輿巡上苑鳳駕瞰曾城御座丹烏麗宸居白鶴驚

玉旗榮桂葉金杯泛菊英
九晨陪聖膳萬歲奉承明
常嗣立奉和九日幸臨渭亭登高應制得深
字一首

層觀遠沉沉鸞旗九日臨
行宮壓水岸步輦入煙岑
枝上萸新採樽中菊始斟
願爲歡樂事長與歲時深
趙彥伯奉和九日幸臨渭亭登高應制得花
字一首

九日報仙家三秋轉翠華
呼鷹下鳥路戲馬上龍沙
簪掛丹萸蕊杯涵紫菊花
所願同微物年年共辟邪
楊廉奉和九日幸臨渭亭登高應制得亭字

一首

遠目瞰秦垆重陽坐灞亭
旣開黃菊酒還降紫微星
簫鼓迎仙曲山河入畫屏
幸茲陪宴喜無以效丹青
李咸奉和九日幸臨渭亭登高應制得直字

一首

重陽乘令節四野開晴色
日月數初并乾坤聖登極
菊黃迎酒泛松翠凌霜直
遊海難爲深負山倦徒力
閻朝隱奉和九日幸臨渭亭登高應制得筵
字一首

九九侍神仙高高坐半天
文章三曜動氣色五星連

替綬趨皇極笙歌接御筵願同芳菊酒相守百千年
沈佺期奉和九日幸臨渭亭登高應制得行

字一首

御氣幸金方憑高薦羽觴魏文頒菊蕊漢武賜萸囊
去鶴晉笙吹歸鴻識舞行臣驩重九慶日月奉天長

蘇頲奉和九日幸臨渭亭登高應制得時字

一首

嘉會宜長日高遊順動時曉光雲外洗晴色雨餘滋
降鶴凶韶德吹花入御詞願陪陽數節億萬九秋期

李義奉和九日幸臨渭亭登高應制得龍字

一首

望幸紆千乘登高自九重臺疑臨戲馬殿似接䟽龍
捧篋萸香徧稱觴菊氣濃更看仙鶴舞來此慶時雍

陸景初奉和九日幸臨渭亭登高應制得臣

字一首

九秋光順豫重節霽良辰登高識漢苑問道侍軒臣
菊花浮柅鬯萸房插縉紳聖化謚邊陲長洲鴻雁賓

常元旦奉和九日幸臨渭亭登高應制得月

字一首

雲物開千里天行乘九月絲言丹鳳池旆轉蒼龍闕

唐詩卷之八
李適奉和九日幸臨渭亭登高應制得高字一首

灞水歡娛地秦京遊俠窟忻承解慍詞聖酒黃花發
禁苑秋光入宸遊霽色高更芳頒綵筭菊蕊薦香醪
後騎縈堤柳前旌拂御桃臣枚俱得從譙淺愧飛毫
鄭南金奉和九日幸臨渭亭登高應制得日字一首

重陽玉律應萬乘金輿出風起韻虞絃雲開吐堯日
菊花浮聖酒茱萸香掛衰質欲知恩煦多順動觀秋實
于經野奉和九日幸臨渭亭登高應制得樽字一首

御氣三秋節登高九曲門桂筵羅玉俎菊醴溢芳樽
遵渚歸鴻度承雲舞鶴騫微臣濫陪賞空荷聖明恩
盧懷慎奉和九日幸臨渭亭登高應制得還字一首

特和素秋節宸豫紫機閑鶴似聞琴至人疑宴鎬還
曠望臨平野滄溟俯暝灣無因酬大德空此媿崇班
杜審言重九日宴江陰一首

蟋蟀期歸晚茱萸節候新降霜青女月送酒白衣人
高興要長壽卑栖隔近臣龍沙即此地舊俗坐爲憐

唐詩類苑 卷之二十一 歲時類 九
王績九月九日一首

野人迷節候端坐隔塵埃忽見黃花吐方知素節回
映巖千段發臨浦萬株開香氣徒盈把無人送酒來
崔善爲荅王無功九日一首

秋來菊花氣深山客重尋露葉疑涵玉風花似散金
摘來還况酒獨坐即徐斟王弘貪自醉無復覓楊林

張說湘洲九日城北亭子一首

西楚茱萸節南淮戲馬臺寧知洹水上復有菊花杯
亭帳憑高出親遊自遠來短歌將急景同使興情催

張說九日陪登高一首

重陽初啓節無射正飛灰寂寞風蟬至連翩霜雁來
山棠紅葉下岸菊紫花開今日桓公坐多媿孟嘉才

孟浩然九日一首

九日未成旬重陽即此辰登高聞故事載酒訪幽人
落帽恣歡飲授衣同試新茱萸正可佩折取寄情親
孟浩然九日懷襄陽一首

去國已如昨倏然經杪秋峴山不可見風景令人愁
誰采籬下菊應閑池上樓宜城多美酒歸與葛強遊

孟浩然龍沙作寄劉大一首

龍沙豫章北九日挂帆過風俗因時見湖山發興多

客中誰送酒棹裡自成歌歌竟乘流去泊上
任夕波
高適同崔員外綦毋捨遺九日宴京兆府李
士曹一首

今日好相見群賢仍廢曹晚晴催翰墨秋興引風騷
絳葉擁虛砌黃花隨濁醪閉門無不可何事更登高
岑參奉陪封大夫九日登高一首

九日黃花酒登高會昔聞霜威逐亞相殺氣傍中軍
橫笛驚征鴈嬌歌落寒雲邊頭幸無事醉舞荷吾君
劉脊虛九日送人一首

海上正搖落客中還別離同舟去未已遠送新相知

流水意何極滿尊徒爾爲從來菊花節早已醉東籬

杜甫九日諸人集于林一首

九日明朝是相要舊俗非老翁難早出賢客幸知歸
舊采黃花騰新梳白髮微謾看年少樂恐淚已沾衣

杜甫九日登梓州城一首

伊昔黃花酒如今白髮翁追歡筋力異望遠歲時同
弟妹悲歌裡朝廷醉眼中兵戈與邊塞此日意無窮

杜甫九日奉寄嚴大夫一首

九日應愁思經時冒險艱不眠持漢節何路出巴山
小驛香醪嫩重嶠細菊班遙知簇鞍馬迴首白雲間

杜甫九日曲江一首

綴席茱萸好，浮舟菡萏衰。
秋時欲半九日，意兼悲。
江水清源曲，荆門此路疑。
晚來高興盡，搖蕩菊花期。
杜甫九日揚奉先會白水崔明府一首

今日潘懷縣，同時陸浚儀。
坐開桑落酒，來把菊花枝。
天宇清霜淨，公堂宿霧披。
晚酣畝客舞，鳧鳥共差池。
杜甫雲安九日鄭十八携酒陪諸公宴一首

寒花開已盡，菊蕊獨盈枝。
舊摘人頻異，輕香酒暫隨。
地偏初衣袂，山擁更祭危。
萬國皆戎馬，酣歌淚欲垂。

杜甫九日二首

舊日重陽日，傳杯不放杯。
即今蓬髮改，但媿菊花開。
北闕心長恋，西江首獨迴。
茱萸賜朝士，難得一枝來。

二

舊與蘇司業，兼隨鄭廣文。
采花香泛_上坐，客醉紛_上野樹歌還倚，秋砧醒却聞。
歡娛兩冥冥，西北有孤雲。

高適重陽一首

節物驚心兩鬢華，東籬空繞未開花。
百年將半仕三已，五畝就荒天一涯。
豈有白衣來剝啄，亦徒烏帽自欹斜。
真成獨坐空搔首，門柳蕭蕭噪暮鴉。

張諤九日一首

唐詩卷之十一
十四
秋天林下不知春一種佳遊事也均絳草從朝飛着
夜黃花開日未成旬將衡柏樹頻驚馬半醉歸途數
問人城遠登高併九日茱萸凡作幾年新

岑參九日使君席奉餞衛中丞赴長水一首

節使橫行西出師鳴弓擐甲羽林兒臺上霜風凌草
木軍中殺氣傍旌旗須知漢將宣威日正是胡塵欲
滅時爲報使君多泛菊更將絃管醉東籬

崔曙九日登望仙臺仍呈劉明府客一首

漢文皇帝有高臺此日登臨曙色開三晉雲山皆北
向二陵風雨自東來閉門令尹誰能識河上仙翁去

不回我欲近尋彭澤宰陶然共醉菊花杯

李頎九日登高一首

青山遠近帶皇州霽景重陽上北樓兩歇庭臯僊菊
潤霜飛天苑御梨秋茱萸插髮花宜賞翡翠橫釵舞
作愁謾說陶潛籬下醉何常得見此風流

杜甫登高一首

風急天高猿嘯哀渚清沙白鳥飛迴無邊落木蕭蕭
下不盡長江滾滾來萬里悲秋常作客百年多病獨
登臺艱難苦恨繁霜鬢潦倒新停濁酒杯

杜甫九日一首

重陽獨酌杯中酒抱病起登江上臺竹葉於人既無
分菊花從此不須開殊方日落玄猿哭舊國霜前白
馬來弟妹蕭條各何在干戈衰謝兩相催

杜甫九日一首

去年祭高郵縣北今日重在涪江濱苦遭白髮不相
放羞見黃花無數新世亂鬱乂爲客路難悠乂常
傍人酒闌却憶十年事腸斷驪山清路塵

杜甫九日藍田崔氏莊一首

老去悲秋強自寬興來今日盡君歡羞將短髮還吹
帽笑倩傍人爲正冠藍水遠從千澗落玉山高竝兩

峰寒明年此會知誰健醉把茱萸仔細看

高宗九月九日一首

端居臨玉宸末律啓金商鳳闕澄秋色龍闈引夕涼
野靜山氣歛林疏風露長砌蘭虧半影崑桂發全香
滿蓋荷彫翠圓花菊散黃揮鞭爭電烈飛羽亂星光
柳空穿石碎弦虛側月張怯猿啼落岫驚鴈斷分行
斜輪低夕景歸旆擁通莊

賀啟奉和九月九日應制一首

商飈凝素籥玄覽賁黃圖曉霜驚斷鴈晨吹結栖鳥
寒花低岸菊涼葉下庭梧澤宮申舊典相圃叶前謨

玉砌分雕戟金溝轉鏤獸帶星飛夏箭映月上軒弧
慶展簪裾洽恩融雨露濡天文發丹篆寶思掩玄珠
承歡徒聳抃負弛竊忘軀

李頎九月九日劉十八東堂集一首

風俗尚九日此情安可忘菊花碎惡酒湯餅茱萸香
雲入授衣假風吹閑宇涼主人盡歡意林景盡微茫
清切晚砧動東西歸鳥行淹畝悵爲別日醉秋雲光

張說岳州九日宴道觀西閣一首

搖落長年歎蹉跎遠宦心北風嘶代馬南浦宿陽禽
佳此黃花酌歡餘白首吟涼雲霾楚望濛雨蔽荆岑

登眺思清景誰將眷濁陰釣譔出江霧樵唱入山林
魚看嘉名採木爲美材侵留爲洞庭觀望古意何深
大道由中悟逍遙匪外尋參佐多君子詞華妙賞音

崔國輔九日侍宴應制一首

運偶千年聖時傳九日神堯樽列鐘鼓漢闕關鈞陳
金錄三清降瓊筵五老巡始驚蘭珮出復詠栢梁新
雲鴈樓前晚霜花酒裡春歡娛無限極書劔太平人

王維奉和聖製重陽節宰臣及群官上壽應

制一首

四海方無事三秋大有年百生逢此日萬壽願齊天

芍藥和金罌茱萸插玳筵玉堂開右箇天樂動宮懸
御柳疎秋景城烏拂曙烟無窮菊花節長奉栢梁篇

孟浩然九日岷山宴一首

宇宙誰開闢江山此鬱盤登臨千古用風俗歲時觀
地理荊州分天涯楚塞寬白城今刺史華省舊郎官
共美重陽節俱懷落帽歡酒邀彭澤載琴輟武城彈
獻壽先浮菊尋幽或藉蘭烟虹蒲藻翰松竹掛衣冠
叔子神如在山公興欲闌傳聞車馬醉還向習池看

張子容九日陪潤州邵使君登北固山一首

五馬向山椒重陽出屨譙徐州帶綠水楚國在青霄

張幕連江樹開筵接海潮凌雲詞客語迴雪舞人嬌
梅福慚仙友羊公賞下僚新豐酒舊美况是菊花朝

杜甫九日一首

故里樊川菊登高素滻源他時一笑後今日幾人存
巫峽蟠江路終南封國門繫舟身萬里伏枕淚雙痕
爲客裁烏帽從兒具綠樽佳辰對群盜愁絕更堪論

萬楚茱萸女一首

山陰柳家女九日採茱萸復得東隣伴雙爲陌上姝
插枝著高髻結子致長裙作性常遲緩非閑叱丈夫
平生折林樾日入返城隅賈客要羅袖行人挑短書

蛾眉自有主年少莫踟躕

李白九月十日即事一首

昨日登高罷今朝再舉觴菊花何太苦遭此兩重陽
小至

杜甫小至一首

天時人事日相催冬至陽生春又來刺綉五紋添弱
線吹葭六琯動浮灰岸容待臘將舒柳天意衝寒欲
放梅雲物不殊鄉國異教兒且覆掌中杯

冬至

杜甫至日遣興奉寄北省舊閣老兩院故人

二首

去歲茲辰捧御床五更三點入鵷行欲知趨走傷心
地正想氤氳滿眼香無路從容陪語笑有時顛倒着
衣裳何人錯憶窮愁日愁日愁隨一線長

憶昨逍遙供奉班去年今日侍龍顏麒麟不動爐烟
上孔雀徐開扇影還玉几由來天北極朱衣只在殿
中間孤城此日堪腸斷愁對寒雲雪滿山

杜甫冬至一首

年七至日長爲客忽七窮愁泥殺人江上形容吾獨
老天涯風俗自相親杖藜雪後臨丹壑鳴玉朝來散

唐詩類苑 卷之十 歲時部 十九
紫宸心折此時無一寸路迷何處見三秦

杜甫至後一首

冬至七後日初長遠在劍南思洛陽青袍白馬有何
意金谷銅馳非故鄉梅花欲開不自覺棗萼一別未
相望愁極本憑詩遣興詩成吟咏轉淒涼

歲除

太宗於太原召侍臣賜宴守歲一首

四時運灰琯一夕變冬春送寒餘雪盡迎歲早梅新
張說欽州守歲一首
故歲今宵盡新年明日來愁心隨斗柄東北望春迴

張說岳州守歲二首

夜風吹醉舞庭戶對酣歌愁逐前年少歡迎今歲多

二

桃枝堪辟惡竹爆好驚眠歌舞留今夕猶言惜舊年

李福業嶺外守歲一首

冬去更籌盡春隨斗柄迴寒暄一夜隔客髮兩年催

高適除夜作一首

旅館寒燈獨不眠客心何事轉淒然故鄉今夜思千
里霜鬢明朝又一年

太宗除夜一首

唐詩類苑 卷之十 歲時詩
歲陰窮暮紀，獻節啓新芳。冬盡今宵促，年開明日長。
冰消出鏡水，梅散入風香。對此終歡宴，傾壺待曙光。

王諲除夜一首

今歲今宵盡，明年明日催。寒隨一夜去，春逐五更來。
氣色空中改，容顏暗裡回。風烟人不覺，已入後園梅。

杜審言歲夜安樂公主滿月侍宴應制一首

戚里生昌胤，天杯宴重臣。盡樓初滿月，香殿早迎春。
睿作堯君寶，孫謀梁國珎。明朝元會日，萬壽樂章陳。

沈佺期歲夜安樂公主滿月侍宴應制一首

除夜子星迴，天旱滿月盈。詠歌麟趾合，簫管鳳雛來。

歲炬常然桂，春盤預折梅。聖皇千萬壽，垂曉御樓開。

張子容除夜樂城逢孟浩然一首

遠客襄陽郡，來過海畔家。樽開栢葉酒，燈發九枝花。
妙曲逢盧女，高才得孟嘉。東山行樂意，非是競繁華。

孟浩然除夜樂城逢張子容二首

雲海訪旣閩，風潮泊島濱。何知歲夜除，得見故鄉親。
子是乘槎客，予爲失路人。平生復能幾，一別十餘春。

二

疇昔通家好，相知無間然。續明催盡燭，守歲接長筵。
舊曲梅花唱，新正柏酒傳。客行隨處樂，不見度年七。

唐詩類苑 卷之十 歲時部 十一
杜審言除夜有懷一首

故節當歌守新年把燭迎冬氛
忝虬箭春色候鷄鳴
興盡聞壺覆宵闌見斗橫
還將萬億壽更謁九重城
孟浩然歲除夜有懷一首

迢遞三巴路羈危萬里身
亂山殘雪夜孤燭異鄉人
漸與骨肉遠轉於奴僕親
那堪正飄泊來日歲華新

太宗守歲一首

暮景餘芳歿年華麗綺宮寒
辭去冬雪暖帶入春風
階馥舒梅素盤花卷燭紅
共歡新故歲迎送一宵中

駱賓王西京守歲一首

閒居寡言寔獨坐慘風塵
忽見嚴冬盡方知列宿春
夜將寒色去年共曉光
新耿七他鄉夕無由展舊親

丁仙芝京中守歲一首

守歲多然燭通宵莫掩扉
客愁當暗漏春色向明歸
玉斗巡初匝銀河落漸微
開正獻歲酒千里間庭闈

張說岳州守歲一首

除夜清樽滿寒庭燎火多
舞衣連臂拂醉坐合聲歌
至樂都忘我冥心自委和
今年只如此來歲知如何

杜甫杜位宅守歲一首

守歲阿戎家椒盤已頌花
盞簪喧櫪馬列炬散林鴉

四十明朝過飛騰暮景斜誰能更拘束爛醉是生涯
杜審言守歲侍宴應制一首

季冬除夜接新年帝子王孫捧御筵宮闕星河低拂
樹殿庭燈燭上薰天彈絃奏節梅風入對局探鈎栢
酒傳欲向正元歌萬壽暫留歡賞寄春前

孟浩然除夜有懷一首

五更鍾漏欲相催四氣推遷往復迴帳裡殘燈纔有
焰爐中香氣盡成灰漸看春逼芙蓉枕頓覺寒銷竹
葉杯守歲家家應未卧相思那得夢魂來

唐詩類苑第十卷終

唐詩類苑第十一卷

仁和卓明卿澂父編輯

華亭張之象玄超

長洲毛文蔚豹孫同校

地部

郊

岑參郊行寄杜位一首

嶮嶮空城烟淒清寒山景秋風引歸夢昨夜到汝穎
近寺聞鍾聲映陂見樹影所思何由見東北徒引領
王勃春事還郊一首

唐詩類苑 卷之十一 地音
閑情兼嘿上 携杖赴巖泉 草綠榮新帶 榆青綴古錢
魚牀侵岸水 鳥路入山煙 還題平子賦 花樹浦春田
王勃仲春郊外一首

東園垂柳徑 西堰落花津 物色連三月 風光絕四隣
鳥飛村覺曙 魚戲水知春 初晴山院裏 何處染鶯塵
王勃郊興一首

空園歌獨酌 春日賦閒居 澤蘭侵小徑 河柳覆長渠
兩去花光濕 風歸葉影疎 山人不惜醉 唯畏綠尊虛
王勃郊園即事一首

煙霞春早賞 松竹故年心 斷山疑畫鄣 縣溜瀉鳴琴
草偏南亭合 花開北苑深 閒居饒酒賦 隨興欲抽簪
王維涼州郊外遊望一首

野老才三戶 邊村少四隣 婆娑依里社 簫鼓賽田神
漉酒澆笏狗 焚香拜木人 女巫紛屢舞 羅襪自生塵
杜甫西郊一首

時出碧雞坊 西郊向草堂 市橋官柳細 江路野梅香
傍架齊書帙 看題減藥囊 無人覺來往 踈懶意何長
原

李嶠詠原一首

王粲銷憂日 江淹起恨年 帶川遙綺錯 分隰迥阡眠

唐詩類苑 卷之十一 雜部
禾黍橫周甸 莓苔闕晉田 方知急難響 長在鵲鴿篇
村

杜甫村夜一首

蕭蕭風色暮江頭 人不行村春雨外 急隣火夜深明
胡羯何多難 漁樵寄此生 中原有兄弟 萬里正含情

杜甫江村一首

清江一曲抱村流 長夏江村事事幽 自去自來梁上
燕 相親相近水中鷗 老妻畫紙爲棊局 稚子敲針作
釣鈎 多病所須唯藥物 微軀此外更何求

杜甫到村一首

碧澗雖多雨 秋沙先少泥 蛟龍引子過 荷芰逐花低
老去參戎幕 歸來散馬蹄 稻梁湏就列 榛草即相迷
蓄積思江漢 頑疎惑町畦 斲酬知己分 還入故林棲
野

李嶠詠野一首

鳳出秦郊迥 鶉飛楚塞空 蒼梧雲影去 涿鹿霧光通
草暗少原綠 花明入蜀紅 誰言坂築士 猶處傳宮中

王績野望一首

東臯薄暮望 徙倚欲何依 樹樹皆秋色 山山唯落暉
牧人驅犢返 獵馬帶禽歸 相顧無相識 長歌懷采薇

杜甫夜望一首

納納乾坤大行行郡國遙雲山兼五嶺風壤帶三苗
埜樹侵江闊春蒲長雪消扁舟空老去無補聖明朝
杜甫望因過常少仙一首

野橋齊度馬秋望轉悠哉竹覆青城合江從灌口來
入村樵徑引嘗果栗園開落盡高天日幽人未遣回

杜甫野望一首

清秋望不極迢遞起層陰遠水蕪天淨孤城隱霧深
葉稀風更落山洵日初沉獨鶴歸何晚昏鴉已滿林

杜甫野望一首

金華山北涪水西仲冬風日始淒七山連越舊蟠三
蜀水散巴渝下五溪獨鶴不知何事舞飢鳥似欲向
人啼射洪春酒寒仍綠目極傷神誰爲携

杜甫野望一首

西山白雪三城戍南浦清江萬里橋海內風塵諸第
隔天涯涕淚一身遙唯將遲暮供多病未有涓埃答
聖朝跨馬出郊時極目不堪人事日蕭條

駱賓王冬日野望一首

故人無與晤安步陟山椒野靜連雲卷川明斷霧銷
靈嶺聞曉籟洞浦漲秋潮三江歸望斷千里故鄉遙

勞歌徒自奏客魂誰爲招

于狄野外作一首

老病無樂事歲秋悲更長窮郊日蕭索生意已蒼黃
小弟髮亦白兩男俱不強有才且未達况我非賢良
幸以朽純姿野外老風霜寒鴉噪晚景喬木思故鄉
魏人宅蓬池結網佇鱸魴水清魚不來歲暮空彷徨

林

盧僕初出京邑有懷舊林一首

賦生期獨得素業守微班外忝文學知鴻漸鴛鴦間
內傾水木趣築室依近山晨趨天日宴夕卧江海閒

松風生坐隅仙禽舞亭灣曙雲林下容霽月池上顏
雖曰坐郊園靜默非人寰時步蒼龍闕寧異白雲關
語濟豈時顧默善忘世攀世網余何觸天涯謫南蠻
回首思洛陽喟然悲貞艱舊林日夜遠孤雲何時還
孟浩然李氏園林一首

我愛陶潛趣林園無俗情春雷百卉拆寒食四隣清
伏枕嗟公幹歸田羨子平年七白社客空滯洛陽城

杜甫奉陪鄭駙馬常曲二首

常曲花無賴家七惱殺人綠樽湏盡日白髮好禁春
石角鈎衣破藤枝刺眼新何時占叢竹頭帶小烏巾

又

野寺垂楊裏春畦亂水間
美花多映竹好鳥不歸山
城郭終何事風塵豈駐顏
誰能共公子薄暮欲俱還

杜甫陪鄭廣文遊何將軍山林十首

不識南塘路今知第五橋
名園依綠水野竹上青霄
谷口舊相得濠梁同見招
平生為幽興未惜馬蹄遙

又

百頃風潭上千章夏木清
卑枝低結子接葉暗巢鶯
鮮鯽銀絲鱠香芹碧澗羹
翻疑柂樓底晚飯越中行

又

萬里戎王子何年別月支
異花開絕域滋蔓匝清池
漢使徒空到神農竟不知
露翻兼雨打開折漸離披

又

旁舍連高竹疎籬帶晚花
碾澗深沒馬藤蔓曲藏蛇
詞賦工無益山林迹未賒
盡捨書籍賣來問爾東家

又

刺水滄江破殘山碣石開
綠垂風折筍紅綻雨肥梅
銀甲彈箏卸金魚換酒來
興移無洒掃隨意坐莓苔

又

風磴吹陰雪雲門吼瀑泉
酒醒思卧簟衣冷欲裝綿

野老來看客河魚不取錢只疑淳朴處自有一山川

又

棘樹寒雲色茵蔯春藕香脆添生菜美陰益食卑涼
野鶴清晨出山精白日藏石林蟠水府百里獨蒼上

又

憶過楊柳渚走馬定昆池醉把青荷葉狂遺白接羅
刺船思郢客解水乞吳兒坐對秦山晚江湖興頗隨

又

床上書連屋階前樹拂雲將軍不好武稚子總能文
醒酒微風入聽詩靜夜分絺衣掛蘿薜涼月白紛紛

又

幽意忽不愜歸期無柰何出門流水住回首白雲多
自笑燈前舞誰怜醉後歌祗應與朋好風雨亦來過

杜甫重過何氏五首

又

問訊東橋竹將軍有報書倒衣還命駕高枕乃吾廬
花妥鶯捎蝶溪喧獺趁魚重來休沐地真作野人居

又

山雨樽仍在沙沉榻未移犬迎曾宿客鷓護落巢兒
雲薄翠微寺天青黃子陂向來幽興極步徙過東籬

唐詩類苑 卷之十一 北音 七 蘇齋題本
落日平臺上春風啜茗時石欄斜點筆桐葉坐題詩
翡翠鳴衣桁蜻蜓立釣絲自今幽興熟來往亦無期

又

頗恠朝來懶應耽楚趣長雨拋金鎖甲苔卧綠沉槍
手自移蒲柳家纔足稻梁看君用幽意白日到羲皇

又

到此應嘗宿相留可判年蹉跎暮容色悵望好林泉
何日霑微祿歸山買薄田斯遊恐不遂把酒意茫然

張九齡酬王履震遊園林見詒一首

宅生惟海縣素業守郊園中覽霸王說上激明主恩

一行罷蘭徑數載歷金門既負潘生拙俄從周任言
逶迤恣軒陛蕭散及丘樊舊徑稀人跡前池耗水痕
併看芳樹老唯覺弊廬存自我棲幽谷逢君翳覆盆
孟軻應有命賈誼得無冤江上傷行遠林門偶避喧
地徧人事絕時霽鳥聲繁猶善心俱閉窮居道共尊
樂因南澗藻憂豈北堂萱幽意如投漆新詩重贈軒
平生詢知己窮達與君論

杜甫寒雨朝行視園林一首

柴門襍樹向千株丹橘黃茸此地無江上今朝寒雨
歇籬中秀色盡屏紆桃蹊李徑年雖故梔子紅椒豔

唐詩類苑 卷之十一 地部 八
色殊鑱石藤梢元自落到天松骨見來枯林香出實
垂將盡葉帶辭枝不重蘇愛日恩光蒙借貸清霜殺
氣得憂虞衰顏動覓藜床坐緩步仍須竹杖扶散騎
未知雲閣處啼猿僻在楚山隅

園

岑參梁園歌送河南王說判官二首

君不見見梁孝王脩竹園頽墻隱麟勢仍存嬌娥慢臉
成草蔓羅帷珠簾空竹根大梁一旦人代改秋月春
風不相待池中幾度鴈新來洲上千年鶴應在梁園
二月梨花飛却似梁王雪下時當時置酒延枚叟豈

料平臺狐兔走萬事翻覆如浮雲昔人空在今人口
單父古來稱處生祗今爲政有吾兄轡軒若過梁園
道應傍琴臺聞政聲

李白梁園吟一首

我浮黃雲去京闕挂席欲進波連山天長水濶厭遠
涉訪古始及平臺間平臺爲客憂思多對酒遂作梁
園歌却憶蓬池阮公詠因吟淶水揚洪波洪波浩蕩
迷舊國路遠西歸安可得人生達命豈暇愁且飲美
酒登高樓平頭奴子搖大扇五月不熱疑清秋玉盤
楊梅爲君設吳盞如花皎白雪持盞把酒但飲之莫

學夷齊事高潔昔時豪貴信陵君今人畊種信陵墳
荒城虎照碧山月古木盡入蒼梧雲梁王宮闕今安
在枚馬先歸不相待舞影歌聲散綠池空餘汴水東
流海沉吟此事淚滿衣黃金買醉未能歸連呼五日
行六博分曹賭酒酣馳輝歌且謔意方遠東山高卧
時起來欲濟蒼生未應晚

杜甫樂遊園歌一首

樂遊古園峯森爽煙綿碧草淒七長公子華筵勢最
多秦川對酒平如掌長生木瓢示真率更調鞍馬狂
歡賞青春波浪芙蓉園白日雷霆夾城仗閭闔晴開

映蕩七曲江翠幕排銀榜拂水低迴舞袖翻綠雲清
切歌聲上却憶年年人醉時只今未醉已先悲數莖
白髮那拋得百罰深盃亦不辭聖朝已知賤士醜一
物自荷皇天慈此身飲罷無歸處獨立蒼茫自詠詩

王勃春日宴樂遊園賦韻得接字一首

帝里寒光盡神臯春望浹梅郊落晚英柳甸驚初葉
流水逐竒弄崩雲洒芳牒清樽湛不空暫喜平生接

玄宗同二相已下群官樂遊園宴一首

選日巖廊暇需雲宴樂初萬方朝玉帛千品會簪裾
地入南山近城分北斗餘池塘垂柳暗原野襍花踈

唐詩類苑 卷之十一 北音 十一 崔沔奉和聖製同二相已下群臣樂遊園宴

一 崔沔奉和聖製同二相已下群臣樂遊園宴

一首

五日醑纔畢千年樂未央復承天所錫終燕國之陽
地勝春逾好恩深樂更長落花飛廣座垂柳拂行觴
庶尹陪三史諸侯且萬方酒酣同抃躍歌舞味時康

胡皓奉和聖製同二相已下群官樂遊園宴

一首

五醑終宴集三錫又驩娛仙臯崇高異神州覽眺殊
南山臨皓雪北闕對明珠廣座鵷鴻滿且庭駟馬趨

綺羅含草樹絲竹吐郊衢銜杯不能罷歌舞樂唐虞

王翰奉和聖製同二相已下群官樂遊園宴

一首

未極人心暢何如帝道明仍嫌醑宴促復寵樂遊行
陸海披珍藏天可望斗城四闕青霄合數處白雲生
鼎餼調元氣歌鐘溢雅聲空慚堯舜日至德杳難名

崔尚奉和聖製同二相已下群官樂遊園宴

一首

春日照長安皇恩寵庶官合錢承罷飲安帛賜追歡
供帳憑高列城池入迥寬花催相國醉鳥和樂人彈

北闕雲中見南山樹杪看樂遊宜締賞舞詠惜將闌
趙冬曦奉和聖製同二相已下群官樂遊園宴
一首

爽塏三秦地芳華二月初醑承眞璧罷宴是合錢餘
柳翠垂堪結桃紅卷欲舒從容會鵷鷺延曼戲龍魚
喜氣流空物歡聲來里閭聖恩將厚意請直記言書

張說奉和聖製同二相已下群官樂遊園宴

一首

漢苑佳遊地軒庭近侍臣共持榮幸日來賞艷陽春
饌玉頒王篚撻金下帝鈞池臺草色遍宮觀柳條新

花綬光連榻朱顏暢飲醇聖朝多樂事天意每隨人
張九齡奉和聖製同二相已下羣官樂遊園
宴一首

寶筐延後命供帳序羣公彤勝宜春接儀文建禮同
晞陽人以露解愠物從風朝慶千齡始年華二月中
輝光遍草木和氣發絲桐歲歲爲無事徒知樂九功
宋璟奉和聖製同二相已下群官樂遊園宴
一首

侍飲終醑會承恩續勝遊戴天惟慶幸選地即殊尤
北向低雙闕南臨賞一丘曲江新流暖上苑禰花稠

唐詩類苑 卷之十一 地部 十一
蘇頌奉和聖製同二相已下群官樂遊園宴
一首

樂遊光地選醕飲慶天從座密千官盛場開百戲容
綠塍際山盡翠幕倚雲重上下花齊發週迴柳遍濃
奪情紛劍履喧聽禱歌鐘日晚含恩散堯人併可封
張說三月二十日詔宴樂遊園賦得風字一

首

樂遊形勝地表裏望郊宮北闕連天頂南山對掌中
皇恩貸芳月旬宴美成功魚戲芙蓉水鶯啼揚柳風

王維瓜園一首并序

維瓜園高齋俯視南山形勝二三時輩同
賦是詩兼命詞英數公同用園字爲韻韻
任多少時太子司議郎薛璠發此題遂同

諸公云

余適欲鋤瓜倚鋤聽叩門鳴騶道驄馬常從夾朱軒
窮巷正傳呼故人儻相存攜手追涼風放心望乾坤
藹七帝王州宮觀一何繁林端出綺道殿頂播華幡
素懷在青山若值白雲屯迴風城西雨返景原上村
前酌盈樽酒往七聞清言黃鸝嚙深木朱槿照中園

唐詩卷之十一 北音 十三
猶羨松下客石上聞清猿

王維林園即事寄舍弟統一首

寓目一蕭散消憂冀俄頃
青草蕭澄陂白雲移翠嶺
後汚通河渭前山包鄆郢
松含風裏聲花對池中影
地多齊后瘠人帶荊州瘦
徒思赤筆書詎有丹砂井
心悲常欲絕髮亂不能整
青簞日何長閑門晝方靜
頽思茅簷下弥傷好風景

李頎晚歸東園二首

出郭喜見山東行亦未遠
夕陽帶歸路藹上秋稼晚
樵者來霖歌野夫及星飯
請謝朱輪客垂竿不復返

又

荆扉帶郊郭稼穡滿東菑
倚杖寒山暮鳴梭秋葉時
回雲覆陰谷返景照霜梨
澹泊真吾事清風別自茲

杜甫上後園山脚一首

朱夏熱所嬰清旦步北林
小園背高岡挽葛上碕岑
曠望延駐目飄颻散踈襟
潛鱗恨水壯去翼依雲深
勿謂地無疆劣於山有陰
石椽徧天下水陸兼浮沉
自我登隴首十年經碧岑
劔門來巫峽薄倚浩至今
故國暗戎馬骨肉失追尋
時也無消息老去多歸心
志十惜白日久客藉黃金
敢爲蘇門嘯庶作梁甫吟

杜甫又上後園山脚一首

昔我遊山東憶戲東岳陽窮秋立日觀矯首望八荒
朱崖著毫髮碧海吹衣裳蓐收困用事玄冥葑強梁
浙水自朝宗鎮石各其方平原獨憔悴農力廢耕桑
非閔風露凋曾是戍役傷於時國用富足以守邊疆
朝廷任猛將遠奪戎虜場到今事反覆故老淚萬行
龜蒙不可見况乃懷故鄉肺萎屬久戰骨出熱中腸
憂來杖匣劍更上林北岡瘴毒猿鳥落峽乾南日黃
秋風亦已起江漢始如湯登高欲有往蕩析川無梁
哀彼遠征人去家死路傍不及祖父塋纍纍塚相當

賀知章偶遊主人園一首

主人不相識偶坐為林泉莫謾愁酤酒囊中自有錢
蘇頲將至益州題小園壁一首

歲窮惟益老春至却辭家可惜東園樹無人也作花

王維春園即事一首

宿雨乘輕袂春寒著弊袍開畦分白水間柳發紅桃
草際成棊局林端舉桔槔還持鹿皮机日暮隱蓬蒿

孟浩然尋張五回夜園作一首

閒說龐公隱移居近洞湖興來林是竹歸卧谷名愚
挂席樵風便開軒琴月孤歲寒何用賞霜落故園蕪

孟浩然閑園懷蘇子一首

林園雖少事幽獨自多
遙向夕開簾坐庭陰
葉落微鳥從烟樹宿
螢傍水軒飛感念同
懷子京華去不歸
孟浩然饒王郎中于司馬園一首

上國山河裂賢王邸第開
故人分職去潘令寵行來
冠蓋趨梁苑江湘失楚材
豫愁軒騎動賓客散池臺
杜甫園一首

仲夏多流水清晨向小園
碧溪搖艇澗朱果爛枝繁
始爲江山靜終防市井喧
畦蔬繞茅屋自足媚盤殮
杜甫小園一首

由來巫峽水本自楚人家
客病留因藥春深買爲花
秋庭風落果灑岸雨頽沙
問俗營寒事將詩代物華
杜甫課小豎鋤斫舍北果林枝蔓荒穢淨訖

移床二首

病枕依茅棟荒鉏淨果林
背堂資僻遠在野興清深
山雉防求敵江猿應獨吟
洩雲高不去隱几亦無心
又

衆壑生寒早長林卷霧齊
青蟲懸就日朱果落封泥
薄俗防人面全身學馬蹄
吟詩坐回首隨意葛巾低

又

唐詩類苑 卷之十一 北都 十六
籬弱門何向沙虛岸只摧日斜魚更食客散鳥還來
寒水光難定秋山響易哀天涯稍曛黑倚杖更徘徊
杜甫耳園一首

春日清江岸千茸二頃園青雲著葉密白雪避花繁
結子隨邊使開筒近至尊後千桃李熟終得獻金門
張謂春園家宴一首

南園春色正相宜少婦同行少婦隨竹裏登樓人不
見花間覓路鳥先知櫻桃解結垂簷子揚柳能低入
戶枝山簡醉來歌一曲參差咲殺郢中兒

張九齡與弟遊家園一首

定省榮君賜來歸是晝遊林鳥飛舊里園菓讓新秋
枝長南亭樹池連北澗流星霜屢爾別蘭麝爲誰幽
善積家方慶恩深國未酬樓上將義動安得久情留
王維春過賀遂員外藥園一首

前年槿籬故新作藥欄成香草爲君子名花是長卿
水穿盤石透藤繫古松生書畏開厨走來蒙倒屣迎
蔗漿菘米飯蒟醬露葵羹頗識灌園意於陵不自輕
孟浩然歸南園寄京邑耆舊一首

嘗讀高士傳最嘉陶徵君日覩田園趣自謂羲皇人
予復何爲者栖此徒問津中年廢丘壑上國旅風塵

忠欲事明主孝思侍老親歸來當炎夏耕稼不及春
扇枕北窓下採芝南澗濱因聲謝朝列吾慕穎陽貞

李白荅從弟幼成過西園見贈一首

一身自瀟洒萬物何囂喧拙薄謝明時棲閑歸故園
二季過舊壑四鄰馳華軒衣劔照松宇賓徒光石門
山童薦瓊果野老開芳罇上陳樵漁事下遂農圃言
昨來荷花滿今見蘭苕繁一笑復一歌不知夕景昏
醉罷何所樂此情難具論

杜甫將別巫峽贈南卿兄襄西果園四十畝

一首

苔竹素所愛萍蓬無定居遠遊長兒子幾地別林廬
襟藥紅相對他時錦不如具舟將出峽巡圃念携鋤
正月喧鶯未茲辰放鷓初雪離梅可折風射柳微舒
託贈卿家有因歌野興踈殘生逗江漢何處狎樵漁

杜甫暇日小園散病將種秋菜督勤耕牛兼

書觸目一首

不愛入州府畏人嫌我貞及乎歸茅宇旁舍未曾嘆
老病忌拘束應接喪精神江村意自放林木心所欣
秋畊屬地濕山雨近甚勻冬菁飯之半牛力晚來新
深畊種數畝未甚後西隣嘉蔬既不一名數頗具陳

荆巫非苦寒
采擷接青春
飛來兩白鶴
暮啄泥中片
雄者左翮垂
損傷已露筋
一步再流血
尚驚繒繳勤
三步六號叫
志屈悲哀頻
鸞呈不相待
側頸訴高旻
杖藜俯沙渚
為汝鼻酸辛

王維春中田園作一首

屋上春鳩鳴
村邊杏花白
持斧伐遠楊
荷鋤覘泉脉
歸燕適故巢
舊人看新曆
臨觴忽不御
惆悵遠行客

王維田園樂七首

厭見千門萬戶
經過北里南鄰
官府鳴珂有底
崆峒散髮何人

再見封侯萬戶
立談賜璧一雙
詎勝耦耕萬畝
何如高卧東窓

採菱渡頭風急
策杖林西日斜
杏樹壇邊漁父
桃花源裏人家

萋萋春草秋綠
落落長松夏寒
牛羊自歸村巷
童稚不識衣冠

山下孤煙遠村
天邊獨樹高原
一瓢顏回陋巷
五柳先生對門

桃紅復含宿雨
柳綠更帶春煙
花落家童未掃
鶯啼山客猶眠

唐詩類苑 卷之十一 地部 十九
酌酒會臨泉水抱琴好倚長松南園露葵朝折東谷
黃梁夜春

王維淇上即事田園一首

屏居淇水上東野曠無山日隱桑柘外河明閭井開
牧童望村去獵犬隨人還靜者亦何事荆扉乘書閑
岑參送崔員外入秦因訪故園一首

欲謁光明殿先趨建禮門仙郎去得意亞相正承恩
竹裏巴山道花間漢水源憑將兩行淚爲訪邵平園
岑參酬崔十三侍御登玉壘山思故園見寄
一首

玉壘天晴望諸峯盡覺低故園江樹北斜日嶺雲西
曠野看人小長空共鳥齊山高徒仰止不得日攀躋
劉希夷故園置酒一首

酒熟人須飲春還髮已秋願逢千日醉得緩百年憂
舊里尋青草新知盡白頭風前燈易滅川上月難留
卒卒周姬旦棲棲魯孔丘平生能幾日不及且遨遊
苑

武后遣使宣詔幸上苑一首

明朝遊上苑火速報春知花須連夜發莫待曉風吹
張仲素漢苑行三首

回鴈高飛太液池
新花低發上林枝
年光到處皆堪
賞
春色人間總未知

春風淡七影悠悠
鶯囀高枝燕入樓
千步回廊聞鳳
吹
珠簾處七上銀鈎

二月風光變柳條
九天清樂奏雲韶
蓬萊殿後花如
錦
紫閣堦前雪未銷

王昌齡梁苑一首

梁園秋竹古時煙
城外風悲欲暮天
萬乘旌旗何處
在
平臺賓客有誰憐

孫狄長洲苑一首

吳王初鼎峙
羽獵騁雄才
輦道閭門出
軍容茂苑來
山從列嶂轉
江自遶林迴
劍騎綠汀入
旗門隔嶼開
合離分若電
馳逐溢成雷
勝地虞人守
歸舟漢女陪
可憐夷漫處
猶在洞庭隈
山靜吟猿父
城空應雉媒
戎行委喬木
馬跡盡黃埃
攬涕問遺老
繁華安在哉

唐詩類苑 卷之十一 地部

唐詩類苑第十一卷終

唐詩類苑第十二卷

仁和卓明卿澂父編輯

華亭張之象玄超

長洲毛文蔚豹孫同校

地部

關

玄宗潼關口號一首

河曲迴千里關門陷二京所嗟非恃德設險到天平

張說奉和聖製潼關口號應制一首

天德平無外關門東復西不將千里隔何用一丸泥

唐詩類苑

卷之十一 地部

式微

張九齡奉和聖製潼關口號應制一首

隱嶙故城壘荒涼空戍樓在德不在險方知王道休

蘇頌奉和聖製過潼津關一首

在德何夷險觀風復往還自能同善閉中路可無閑

許敬宗奉和聖製入潼關一首

曦馭循黃道星陳引翠旗濟潼紆萬乘臨河耀六師

前旌彌陸海後騎發通伊勢踰迴地軸威盛轉天机

是節歲窮紀閑樹蕩涼颼仙霧含靈掌瑞鼎照川湄

冲襟賞臨睨高味入京畿

岑參入蒲關先寄秦中故人一首

秦山數點似青黛渭水一條如白練京師故人不可見寄將兩眼看飛燕

玄宗早度蒲關一首

鐘鼓嚴更曙山河野望通鳴鑾下蒲坂飛旆入秦中地險閑逾壯天平鎮尚雄春來津樹合月落戍樓空馬色分朝景鷄聲逐曉風所希常道泰非復棄繯同

張說奉和聖製早度蒲關應制一首

蒲坂橫臨晉華芝曉望秦閑城雄地險橋路扼天津樓映行宮日隄含官樹春黃雲隨寶鼎紫氣逐真人東咏唐虞跡西觀周漢塵山河非國寶明主愛忠臣

張九齡奉和聖製早度蒲關應制一首

魏武中流處軒皇問道迴長堤春樹發高掌曙雲開
龍負王舟渡人含仙氣來汀津會日月天象役風雷
東顧重關盡西馳萬國陪遠聞股肱郡元首詠康哉

徐安貞奉和聖製早度蒲關應制一首

仙掌臨秦甸虹橋闢晉關兩都分地險一曲渡河灣
路得津門要時稱古戍閑城花春正發岸柳曙堪攀
後乘猶臨水前旌欲換山長安迴望日宸御六龍還
岑參函谷關歌送劉評事使關西一首
君不見函谷關崩城毀壁至今在樹根草蔓遮古道

空谷千年長不改寂寞無人空舊山聖朝無事不須
閑白馬公孫何處去青牛老人更不還蒼苔白骨空
滿地月與古時常相似野花生省見行人山鳥何曾
識閑吏故人方乘使者車吾知郭丹却不如請君特
憶關外客行到關西多致書

張九齡奉和聖製經函谷關作一首

函谷雖云險黃河復已清聖心無所隔空此置閑城
揚齊哲過函谷關一首

地險嶠函北途經分陝東逶迤衆山盡荒涼古塞空
河光流曉日樹影散朝風聖德今無外何處是關中

來濟出玉關一首

歛轡遵龍漢銜悽度玉關今日流沙外垂涕念生還

岑參玉關寄長安李主簿一首

東去長安萬里餘故人何惜一行書玉關西望堪勝

斷况復明朝是歲除

高適使青夷軍入居庸三首

匹馬行將久征途去轉難不知邊地別祗訝客衣單

溪冷泉聲苦山空木葉乾莫言關塞極雲雪尚漫漫

又

古鎮青山口寒風落日時巖巒鳥不過冰雪馬堪遲

出塞應無策還家賴有期東山足松桂歸去結茅茨

又

谷頓驅征騎樓遲愧寶刀遠行今若此微祿果徒勞

絕坂水連下群峯雲共高自堪成白首何事一青袍

王勃散關晨度一首

關山凌旦開石路無塵埃白馬高譚去青牛真氣來

重門臨巨壑連棟起崇隈即今揚策度非是棄繻回

陳子昂西還至散關答喬補闕知之一首

歲蕤蒼梧鳳嘹唳白露蟬羽翰本非尺結交獨何全

昔君事胡馬余得奉戎旃携手同沙塞關河緬函燕

芳歲幾陽止白日屢徂遷功業雲臺薄平生王佩捐
歎此南歸日猶聞北戍邊代水不可涉巴江亦潺湲
攬衣度函谷銜涕望秦川蜀門自茲始雲山方浩然

魏徵出關一首

中原初逐鹿拔筆事戎軒縱橫計不就慷慨志猶存
杖策謁天子驅馬出關門請纓係南越憑軾下東蕃
鬱紆陟高岫出沒望平原古木吟寒鳥空山啼夜猿
既傷千里目還驚九折魂豈不憚艱險深懷國士恩
李布無二諾侯嬴重一言人生感意氣功名誰復論

李行言秋晚度廢關一首

秦郊平舊險周德眷遺黎始聞清夜柝俄見落風泥
物色來無限津途去不迷空亭誰問馬閑戍但鳴鷄
山月寒彌淨河風晚更悽贈言揚伯起非復是關西

杜甫劍門一首

惟天有設險劔閣天下壯連山抱西南石角皆北向
兩崖崇墉倚刻畫城廓狀一夫怒臨關百乘未可傍
珠玉走中原岷峨氣悽愴三皇五帝前鷄犬莫相放
後生尚柔遠職貢道已喪至今英雄人高視見霸王
并吞與割據極力不相讓吾將罪真宰意欲鏟疊嶂
恐此復偶然臨風默惆悵

峽

楊炯西陵峽一首

絕壁聳萬仞長波射千里盤薄荆之門滔七南國紀
 楚都昔全盛高丘烜望祀秦兵一旦侵夷陵火潛起
 四維不復設閑塞良難恃洞庭且忽然孟門終已矣
 自古天地關流為峽中水行旅相贈言風濤無極已
 及余踐斯地瓌竒信為美江山若有靈千載伸知已

楊炯廣溪峽一首

廣溪三峽首廣望蕪川陸山路遶羊腸江城鎮魚腹
 喬林百杖偃飛水千尋瀑驚浪回高天盤渦轉深谷

漢氏昔云季中原爭逐鹿天下有英雄襄陽有龍伏
 常山集軍旅永安興坂築池臺忽已傾邦家遽淪覆
 庸才若劉禪忠佐為心腹設險猶可存當無賈生哭

楊炯巫峽一首

三峽七百里唯言巫峽長重巖宵不極疊嶂凌蒼七
 絕壁橫天險菴苔爛錦章入夜分明見無風波浪狂
 忠信吾所踏泛舟亦何傷可以涉砥柱可以浮呂梁
 美人今何在靈芝徒有芳山空夜猿嘯征客淚沾裳

岑參青山峽口泊舟懷狄侍御一首

峽口秋水壯沙邊且停橈奔濤振石壁峰勢如動搖

九月蘆花新，彌令客心焦。誰念在江島，故人滿天朝。
無處豁心胃，憂來醉能銷。往來巴山道，三見秋草彫。
狄生新相知，才調凌雲霄。賦詩拆造化，入幕生風飈。
把筆判甲兵，戰士不敢驕。皆云梁公後，遇鼎還能調。
離別倏經時，音塵殊寂寥。何當見夫子，不嘆鄉關遙。

李白上三峽一首

巫山夾青天，巴水流若茲。巴水忽可盡，青天無到時。
三朝上黄牛，三暮行太遲。三朝又三暮，不覺髮成絲。

杜甫寒峽一首

行邁日悄悄，山谷勢多端。雲門轉絕岸，積阻隳天寒。

寒峽不可度，我實衣裳單。况當仲冬交，泝泆增波瀾。
野人尋烟語，行子旁水餐。此生免荷爰，未敢辭路難。

杜甫鐵堂峽一首

山風吹遊子，縹緲乘險絕。礧形藏堂隍，壁色立積鐵。
徑摩穹蒼磻，石與厚地裂。脩纖無限竹，嵌空太始雪。
威遲哀壑底，徒旅慄不悅。水寒長冰橫，我馬骨正折。
生涯抵弧矢，盜賊殊未滅。飄蓬踰三年，迴首肝肺熱。

杜甫青陽峽一首

塞外苦厭山，南行道彌惡。岡巒相經亘，雲水氣參錯。
林迴峽角來，天窄壁面削。礧西五里石，奮怒向我落。

仰看日車側俯恐坤軸弱
魑魅嘯有風霜霰浩漠漠
昨憶踰隴坂高秋視吳嶽
東笑蓮花甲北知崆峒薄
超然侔壯觀已謂殷寥廓
突兀猶趨人及茲嘆冥寞
諸光羲使過彈箏峽作一首

鳥雀知天雪群飛復群鳴
原田無遺粟日暮蒲空城
達士憂世務鄙夫念王程
晨過彈箏峽馬足凌競行
雙壁隱靈曜莫能知晦明
皚皚堅冰白漫漫陰雲平
始信古人言苦節不可貞

李白送陸判官往琵琶峽一首

水國秋風夜殊非
遠別時長安如夢裏
何日是歸期

沈佺期十三四時常從巫峽過他日偶然有思一首

小度巫山峽荆南春欲分
使君灘上草神女廟前雲
樹悉江中見猿多天外聞
別來如夢裏一想一氛氲
朱使欣道峽似巫山之作一首

江如曉天靜石似暮雲張
征帆一流覽死者巫山陽
楚客思歸路秦人謫異鄉
猿鳴孤月夜再使泪霑裳
張說和朱使欣道峽似巫山之作二首

南土多爲寇西江盡畏途
山行阻篁竹水宿礙荑蒲
使越才應有征蠻力豈無
空傳人贈劍不見虎啣珠

唐詩卷之二十三 地部
又

江勢連山遠天涯此夜愁霜空極天靜寒月帶江流
思起南征棹文高北望樓自怜如墜葉汎汎似仙丹

張九齡赴使瀧峽一首

谿路日幽深寒空入兩嶽霜清百丈水風落萬重林
夕鳥聯歸翼秋猿斷去心別離多遠思况乃歲方陰

張九齡湏陽峽一首

行舟傍越岑窈窕越溪深水闇先秋冷山晴當晝陰
重林間五色對壁聳千尋惜此生遐遠誰知造化心

盧象峽中作一首

高唐幾百里樹色接陽臺晚見江山霽宵聞風雨來
雲從三峽起天向數峯開靈境信難見輕舟那可回

杜甫秋峽一首

江濤萬古峽肺氣久衰翁不寐防巴虎全生狎楚童
衣裳垂素髮門巷落丹楓常恠商山老燕存翊贊功

杜甫峽隘一首

聞說江陵府雲沙靜渺然白魚如切玉朱橘不論錢
水有遠湖樹人今何處舡青山各在眼却望峽中天

杜甫峽口二首

峽口大江間西南控百蠻城歌連粉蝶岸斷更青山

唐詩類卷之二十三 地部 九 公齊佳本

關關當天險防隅一水閑亂離聞鼓角秋氣動衰顏

又

時清閑失險世亂戟如林去矣英雄事荒哉割據心
蘆花留客晚楓樹坐猿深疲薊煩親故諸侯數賜金

陳子昂入東陽峽與李明甫舡前後不相及

一首

東巖初解纜南浦遂離群出沒同洲島沿廻異渚濱
風煙猶可望歌笑浩難聞路轉青山合峯迴白日曛
奔濤上漫漫積水下沄沄倏忽猶疑及差池復兩分
離離間遠樹藹藹沒遥氛地入巴陵道星連牛斗文

孤狃啼寒月哀鴻叫斷雲僊舟不可見遥思坐氛氲

陳子昂入峭峽一首

峽安居溪峽有駸致馬

肅徒歌伐木驚檝漾輕舟靡迤隨波水潏潏沂浚流
烟沙分兩岸露島夾雙洲古樹連雲密交峯入浪浮
宮潭相映媚溪谷屢環周路迥光逾逼山深興轉幽
麕鼯寒思晚猿鳥暮聲秋誓息蘭臺策將從桂樹遊
因書謝親愛千歲覓蓬丘

宋之問早入清遠峽一首

傳聞峽山好旭日棹前沂雨色搖丹嶂泉聲聒翠微
兩巖天作帶萬壑樹披衣秋橘迎霜序春藤礙日輝

唐詩卷之十一 地部
翳潭花似織綠領竹城圍寂歷環沙浦葱龍轉石坂
露餘江未熱風落瘴初稀猿飲排虛上禽驚掠水飛
榜章夷唱合樵女越吟歸良候斯爲美邊愁自有遠
誰言望鄉國流涕失芳菲

王維曉行巴峽一首

際曉投巴峽餘春憶帝京晴江一女浣朝日衆鷄鳴
水國舟中市山橋樹杪行登高萬井出眺迥二流明
人作殊方語鶯爲舊國聲賴諳山水趣稍解別離情

孟浩然入峽寄弟一首

吾昔與爾輩讀書常閉門未曾冒灘險豈顧聖堂言

自此歷江湖辛勤難具論往來行旅弊開鑿禹功存
壁立千峰峻滾流萬壑奔我來凡幾宿無夕不聞猿
浦上遙歸恋舟中失夢魂淚沾明月峽心斷鵲鴿原
離闕星難聚秋深露已繁因君下南楚書此示鄉園

石

蘇味道咏石一首

濟北甄神貺河西濯錦文聲應天池雨影觸岱宗雲
燕歸猶可候羊起自成群何當握靈髓高枕絕囂氛

李嶠詠石一首

宗子維城固將軍飲羽威巖花鑑裏發雲葉錦中飛

入宋星初隕過湘鷺早歸倘因持補極寧復想支机
田游巖寄宋之問一首

信彼稱靈石居然狎遁棲徘徊承翠巘斌駁帶深溪
夕陰起層岫清景半虹蜺風來應嘯阮波渡可琴嵇
僕也穎陽客望彼空思齊倘見山人至簪蒿且杖藜
宋之問答田游岩一首

家臨清溪水溪水繞盤石綠蘿四面垂裊裊百餘尺
風泉度絲管苔蘚鋪茵薦傳聞穎陽人霞外漱靈液
忽枉巖中翰吟卧復朝夕何當遂遠游物外候逋客
李白送祝八之江東賦得浣紗石一首

西施越溪女明艷光雲海未入吳王宮殿時浣紗古
石今猶在桃李新開映古查菖蒲猶短出平沙昔時
紅粉照流水今日青苔覆落花君去西秦適東越碧
山青江幾超忽若到天涯思故人浣溪石上窺明月
元結窠樽詩一首

嶢兀小山石數峯對窠亭窠石堪爲樽狀類不可名
巡迴數尺間如見小蓬瀛樽中酒初漲始有島嶼生
豈無日觀峰直下臨滄溟愛之不覺醉醉卧還目醒
醒醉在樽畔始爲吾性情若以形勝論坐隅臨郡城
平湖近階砌遠山復青嶺異木幾十株枝條冒蒼楹

唐詩類苑 卷之十一 地部
盤根滿石上皆作龍蛇形酒堂貯釀器戶牖皆罍鉞
此樽可常滿誰是陶淵明

岑參石犀一首

江水初蕩滴蜀人幾爲魚向無爾石犀安得有邑居
始知李太守伯禹亦不知

杜甫石犀行一首

君不見秦時蜀太守刻石立作三犀牛自古雖有獸
勝法天生江水向東流蜀人矜誇一千載泛溢不近
張儀樓今年灌口損戶口此事或恐爲人羞終藉是
防出衆力高擁木石當清秋先王作法皆正道詭恠

何得參人謀嗟尔三犀不經濟缺訛只與長川逝但
見元氣常調和自免洪濤恣彫瘵安得壯士提天綱
再平水土犀犇茫

杜甫石筍行一首

君不見益州城西門陌上石筍雙高躡古來相傳是
海眼苔蘚蝕盡波濤痕兩多徃徃得琴瑟此事恍惚
難明論恐是昔時卿相墓立石爲表今仍存惜哉俗
態好蒙蔽亦如小臣媚至尊政化錯迤失大體坐看
輕危受厚恩嗟尔石筍擅虛名後生未識猶駿奔安
得壯士擲天外使人不疑見本根

王維戲題盤石一首

可憐盤石臨泉水復有垂楊拂酒盃若道春風不解
意何因吹送落花來

樓穎西施石一首

西施昔日浣紗津石上青苔思殺人一去姑蘇不復
返岸傍桃李為誰春

岑參送李卿賦得孤島石一首

一片他山石巉々映小池綠窠攢剝蘚尖碩坐鷗鷺
水底看常倒花邊勢欲欹君心能不轉卿月豈相離

塵

駱賓王咏塵一首

凌波起羅襪含風染素衣別有知音調聞歌應自飛

張說咏塵一首

仙浦生羅襪神京染素衣裨山期益峻照日映增輝
夕伴龍媒合朝隨鳳輦歸獨憐范甌下思繞畫梁飛

駱賓王塵灰一首

洛川流雅韻秦道擅苛威聽歌梁上動應律管中飛
光飄神女襪影落羽人衣願言心未翳終冀效輕微

道

李嶠味道一首

唐詩類苑 卷之十二 地部 十四
銅駝分鞏洛劔閣抵臨邛紫驛三千里青樓十二重
王闕塵似雪金穴馬如龍今日中衢上堯罇更可逢
張九齡南陽道中作一首

登郢屬歲陰及死憫所適復聞東漢主遺此南都迹
佳氣藹厥初霸圖紛在昔茲邦稱貴近與世嘗薰赫
遭遇感風雲變衰空草澤不識鄧公樹猶傳陰后石
驅馬歷闔閭荆榛翳阡陌事去物無象感來心不憚
懷古對窮秋興言傷遠客眇默遵岐路辛勤弊行役
雲鴈號相呼林麕走自索顧憶徇書劍未嘗安枕席
豈暇墨突黔空持遼豕白迷復期非遠歸歟賞農隙

張說再使蜀道一首

眇眇葭草道蒼匕衰斜谷烟壑爭晦深雲山共重復
古來風塵子同眩望鄉目芸閣有儒生輶車倦馳逐
青春客岷嶺白露搖江服歲月鎮羈孤山川長迤覆
魚遊恋山水鳥遷戀喬木如何別親愛坐去文章國
蟋蟀鳴戶庭蠨蛸網琴筑

張說蜀道後期一首

客心爭日月來往預期程秋風不相待先至洛陽城

張說過蜀道山一首

我行春三月山中百花開披林入峭壁攀蹬陟崔嵬

白雲半峰起清江出峽來誰知高深意緬懷心悠哉
張說蜀路二首

雲埃夜澄廓山日曉晴鮮葉落蒼江岸鴻飛白露天
磷匕含水石冪冪覆林烟客心久無緒秋風殊未然

又

徃蜀時未改別家鄉念盈憶昨出門日春風發鮮榮
及茲旋轉地秋風涌路生昏曉思魏闕夢寐還秦京
秦京開朱第魏闕垂紫纓幽獨玄虛閣不聞人馬聲
藝業爲君重名祿爲君輕玉琴知調苦寶鏡照膽清
鷹飢常啄腥鳳飢亦待瓊于君自有蜀物外豈能輕

墓

張九齡和黃門盧監望秦始皇陵一首

秦帝始求僊驪山何遽卜中年旣無効茲地所宜復
徒役如雷奔玆恠亦雲蓄黔首無寄命赭衣相馳逐
人怨神亦怒身死宗遂覆土崩失天下鵲闢入函谷
國爲項藉屠君同華元戮始掘旣由楚終焚乃因牧
上宰議楊賢中阿感桓速一聞過秦論載懷空杼軸

中宗幸秦始皇陵一首景龍二年十一月十

八日

眷言君失德驪色想秦餘政煩方改篆愚俗乃焚書

阿房久已滅閣道遂成墟欲壓東南氣翻傷掩鮑車
王維過秦皇墓一首

古墓成蒼嶺幽宮象紫臺星辰七曜備河漢九泉開
有海人寧渡無春鴈不迴更聞松韻切疑是大夫哀
張說懷王墓一首

伊嘯不可信似此敗懷王客死嶢關路返葬岐江陽
啼狄抱山月飢烏獵野霜一聞懷沙事千載盡悲涼

杜甫行次昭陵一首

舊俗疲庸主群雄問獨夫識歸龍鳳質威定虎狼都
天屬尊堯典神功協禹謨風雲隨捷足日月繼高衢

文物多師古朝廷半老儒直詞寧戮辱賢路不崎嶇
往者灾猶降蒼生喘未蘇指揮安率土盪滌撫洪鑪
壯士悲陵邑凶人拜鼎湖王衣晨自舉鐵馬汗常趨
松柏瞻虛殿塵沙立暝途寂寥開國日流恨滿山隅

杜甫重經昭陵一首

草昧英雄起謳歌曆數歸風塵三尺劔社稷一戎衣
翼亮貞文德丕承戰武威聖圖天廣大宗祀日光輝
陵寢盤空曲熊羆守翠微再窺松柏路還見五雲飛

常建吊王將軍墓一首

嫖姚北伐時深入強千里戰餘落日黃軍敗鼓聲死

嘗聞漢飛將可奪單于壘今與山鬼隣殘兵哭遼水
張說過漢南城歎古墳一首

舊國多陵墓荒涼無幾年洶湧蔽平崗汨若波濤連
上世千金子潛卧九重泉松柏剪無餘碑記滅罔傳
葬于不毛地咸謂楚先賢事盡情可識使人心悵然

杜甫別房太尉墓一首

他鄉復行役駐馬別孤墳近淚無乾土低空有斷雲
對碁陪謝傅把劍覓徐君唯見林花落鶯啼送客聞

沈佺期卬山一首

北卬山上列墳塋萬古千秋對洛城城中日夕歌鐘

起山下唯聞松栢聲

駱賓王過張平子墓一首

西鄂談通理南州擅德音玉卮浮藻麗銅渾積思深
忽懷今日昔非復昔時今日往豐碑閣風來古木吟
唯歎窮泉下終鬱羨魚心

張說奉和聖製過王濬墓應制一首

牛女三分國龍驤一統年智高寧受制風急肯迴舡
有策擒吳皓無言讓范宣授孤因勢屈功重爲讒偏
舊迹灰塵散枯墳故老傳百代逢明主何辭死道邊

張九齡奉和聖製過王濬墓應制一首

唐詩類苑 卷之二十二 地部 一八 杜齊周本
漢主思鉅鹿晉將在弘農入蜀舉長筭平吳成大功
與渾雖不協歸皓實為雄孤績淪千載流名感聖衷
萬乘度荒隴一顧凜生風古節猶不棄今人爭效忠

李白過四皓墓一首

我行至商洛幽獨訪神仙園綺復安在雲蘿尚死然
荒涼千古跡蕪沒四墳連伊昔鍊金鼎何言閉玉泉
隴寒惟有月松古漸無烟木魅風號去山精雨嘯旋
紫芝高詠罷青史舊名傳今日併如此哀哉信可憐

杜甫橋陵詩三十韻因呈縣內諸官一首

先帝昔晏駕茲山朝百靈崇岡擁象設沃野開天庭

即事壯重險論功超五丁坡陀因厚地却畧羅峻屏
雲闕虛冉冉風松蕭泠泠石門霜露白玉殿莓苔青
宮女曉知署祠官朝見星空梁簇畫戟陰井敲銅瓶
中使日夜繼惟王心不寧豈徒卹備享尚謂求無形
孝理敦國政神凝推道經瑞芝產廟柱好鳥鳴崑崙
高嶽前律岑洪河在澄澗金城蓄峻趾沙苑交迴汀
永興與區固川源紛眇冥居然赤縣立臺榭爭岩亭
官屬果稱是聲華真可聽王劉美竹潤裴李春蘭馨
鄭氏才振古啖侯筆不停遣辭必中律利物常發矧
綺繡相展轉琳琅愈青熒側聞魯恭化秉德崔瑗銘

唐詩卷之十一
太史候鳧影王喬隨鶴翎朝儀限霄漢客思迴林垆
輒軻辭下杜飄颻凌濁涇諸生舊短褐旅泛一浮萍
荒歲兒女瘦暮途涕泗零主人念老馬廨宇容秋螢
流寓理豈愜窮愁醉未醒何常擺俗累浩蕩乘滄溟
常建昭君墓一首

漢宮豈不死異域傷獨沒萬里馱黃金蛾眉爲枯骨
迴車夜出塞立馬皆不發共恨丹青人墳上哭明月

張九齡過樊妃墓一首

蘋藻生南澗蕙蘭秀中林嘉名有所在芳氣無幽深
楚子初逞志樊妃嘗獻箴能令更擇士非直罷從禽

舊國皆湮滅先王亦莫尋唯傳賢媛隴猶結後人心
牢落山川意蕭疎松柏陰破墻時直上荒徑或斜侵
惠問終不絕風流獨至今千春思窈窕黃鳥後哀音

張說登九里臺一首是楚樊姬墓

楚國所以羈樊姬有力焉不懷沈尹祿誰諳叔敖賢
萬化茫無在孤墳獨巋然北分陽臺陌南識郢城阡
漠漠諸宮樹蒼七雲夢田登高形勝出訪古今名傳
自我來符守因君樹蕙荃詩書將變俗絺纈忽彌天
志闡三折后愁值二毛前佇立帝京路遙心寄此篇

岑參驪姬墓一首

驪姬北原上閉骨已千秋澮水日東注惡名終不流
獻公恣耽惑視子如仇讎此事成蔓草我來逢古丘
娥眉山月落蟬髮野雲愁欲吊二公子橫汾無輕舟

唐詩類苑第十二卷終

